



অবিলম্বে প্রকাশের উদ্দেশ্যে: 10/2/2023

গভর্নর ক্যাথি হোকল

গভর্নর হোকল ব্যক্তিদের আশ্রয়কেন্দ্র থেকে বের হয়ে স্বাধীন জীবনে স্থানান্তর করতে স্টেটব্যাপী উদ্যোগের অংশ হিসেবে আশ্রয়সন্ধানী ও অভিবাসীদের জন্য 18,000 চাকরি উপলভ্য করার ঘোষণা করলেন

কাজের অনুমোদন পাওয়া আশ্রয়সন্ধানী ও অভিবাসীদের জন্য সুযোগ সনাক্ত করতে নিউ ইয়র্ক স্টেট শ্রম বিভাগ প্রায় 400 চাকরিদাতার সাথে কাজ করছে

পুরো নিউ ইয়র্ক স্টেটে অতি গুরুত্বপূর্ণ পদ পূরণ করার জন্য আশ্রয়সন্ধানী ও অভিবাসীদের খুঁজে পেতে ও নিয়োগ দিতে চাকরিদাতাদের সাহায্য করার জন্য গভর্নর জনসচেতনতা ক্যাম্পেইন শুরু করলেন, ডিজিটাল ফ্লায়ার [এখানে](#) পাওয়া যাবে

নিউ ইয়র্ক স্টেটের অভিবাসী সঙ্কট সমাধানে গভর্নরের চলমান প্রয়াসের উপর ভিত্তি করে এসব সম্ভব হচ্ছে

আরো তথ্য [এখানে](#) পাওয়া যাবে

গভর্নর হোকল আজকে ঘোষণা করলেন যে মার্কিন যুক্তরাষ্ট্রে বৈধ কাজ করার অনুমোদন অর্জন করা অভিবাসী ও আশ্রয়সন্ধানীদের নিয়োগ দিতে ইচ্ছুক প্রায় 400 চাকরিদাতার থেকে 18,000 এর বেশি চাকরির সুযোগ স্টেট সনাক্ত করেছে। বৈধ কাজের অনুমোদন পাওয়া অভিবাসী ও আশ্রয়সন্ধানীদের সাথে চাকরির সুযোগ থাকা ব্যবসা প্রতিষ্ঠানের সংযোগ শুরু করতে নিউ ইয়র্ক শ্রম বিভাগকে (New York State Department of Labor, NYS DOL) গভর্নর হোকলের নির্দেশ প্রদানের মাত্র এক মাস পর এই ঘোষণাটি এসেছে। গভর্নর অভিবাসী ও আশ্রয়সন্ধানীদের জন্য বৈধ কাজের অনুমোদন নিশ্চিত করার ব্যাপারে মনোযোগ দিয়েছেন, যার মধ্যে রয়েছে ভেনিজুয়েলার ব্যক্তিদের অস্থায়ী সুরক্ষিত দশা (Temporary Protected Status) প্রদান করার জন্য ফেডারেল সরকারকে সফলভাবে চাপ প্রদান করা, যাতে করে এই ব্যক্তির আশ্রয়কেন্দ্র ত্যাগ করে স্বাধীনভাবে জীবনযাপন শুরু করতে পারে।

"অভিবাসী ও আশ্রয়সন্ধানীরা এখানে কাজ করতে এসেছে, তাহলে চলুন তাদের কাজ লাগানো যাক," গভর্নর হোকল বলেন। "বর্তমানে, আমাদের একটি অভিবাসী সঙ্কট ও একটি কর্মীবাহিনী সঙ্কট রয়েছে। কাজের যোগ্য ব্যক্তিদের নিউ ইয়র্কে চাকরি ও সুযোগের সাথে সংযুক্ত করে দিয়ে, আমরা উভয়ের সমাধান করতে পারবো এবং সকল নিউ ইয়র্কবাসীর জন্য একটি উজ্জ্বলতর ভবিষ্যৎ নিশ্চিত করতে পারবো।"

চাকরিদাতাদের প্রতি আউটরিচ সম্পন্ন করার জন্য এবং অভিবাসী ও আশ্রয়সন্ধানী দ্বারা কোন কোন চাকরির শূন্যপদ পূরণ করা যেতে পারে তা নির্ণয় করার জন্য 24 আগস্ট গভর্নর হোকল নিউ ইয়র্ক স্টেট শ্রম বিভাগকে [নির্দেশ প্রদান করেন](#)। উদ্যোগটি 379টি কোম্পানিতে 18,000 এর বেশি বেসরকারি খাতের চাকরি সনাক্ত করেছে, কোম্পানিগুলি এমন পদ সনাক্ত করেছে যা বৈধ কাজের অনুমোদনসহ ব্যক্তির পূরণ করতে পারবে। এর মধ্যে রয়েছে বাসস্থান ও খাদ্য সেবা, স্বাস্থ্যসেবা ও সামাজিক সহায়তা, উৎপাদন, এবং প্রশাসনিক সমর্থন খাতে চাকরির সুযোগ।

শিল্পখাত	ব্যবসায়িক প্রতিষ্ঠানসমূহ	শতাংশ
বাসস্থান/ খাদ্য সেবা	90	24%
স্বাস্থ্যসেবা/ সামাজিক সহায়তা	79	21%
উৎপাদন	38	10%
প্রশাসনিক সমর্থন	29	8%
অন্যান্য	27	7%
নির্মাণকাজ	20	5%
খুচরা বাণিজ্য	19	5%
পেশাদার, বৈজ্ঞানিক এবং ব্যবসায়িক সেবা	15	4%
শিল্প/ মনোরঞ্জন/ বিনোদন	12	3%
শিক্ষা	12	3%
পাইকারি বাণিজ্য	12	3%
পরিবহন/ গুদামঘর	7	2%
বর্জ্য ব্যবস্থাপন	7	2%
রিয়েল এস্টেট ভাড়া ও লীজ	6	2%
অর্থ	3	1%
কৃষি	1	<1%
কম্পিউটার ও তথ্য ব্যবস্থাপনা	1	<1%
জন প্রশাসন	1	<1%

অঞ্চলভিত্তিক শ্রেণীবিভাগ নিচে দেওয়া হলো।

অঞ্চল	চাকরির সংখ্যা
ক্যাপিটাল রিজিয়নের চাকরি	523
সেন্ট্রাল রিজিয়নের চাকরি	673
ফিঙ্গার লেকসের চাকরি	205
হাডসন ভ্যালির চাকরি	2,896

লং আইল্যান্ডের চাকরি	1,294
মোহক ভ্যালির চাকরি	120
নর্থ কান্ট্রির চাকরি	208
সাউদার্ন টিয়রের চাকরি	98
ওয়েস্টার্ন রিজিয়নের চাকরি	1,521
নিউ ইয়র্ক সিটির চাকরি	9,801
অন্যান্য	1,084

একটি [পোর্টালের](#) মাধ্যমে চাকরিদাতাদের সনাক্ত করা হয়েছে যেখানে তারা স্টেটকে অবগত করেছে যে তারা তাদের কর্মীবাহিনীতে নতুনভাবে অনুমোদিত ব্যক্তিদের স্বাগত জানাবে। পৃথকভাবে, একটি নিবন্ধন প্রক্রিয়া প্রতিষ্ঠা করা হয়েছে যেখানে কাজের অনুমোদনসহ আশ্রয়সন্ধানী ও অভিবাসীরা সহায়তার জন্য [নিবন্ধন](#) করতে পারবে। নিউ ইয়র্ক স্টেট শ্রম বিভাগ এবং 16টি স্টেট এজেন্সির প্রতিনিধিত্বকারী 70 জন কর্মীর একটি দল এরপর থেকে ব্যবসায়িক চাহিদা সনাক্ত করার জন্য এবং আশ্রয়সন্ধানী ও অভিবাসীদের দক্ষতা ও অভিজ্ঞতা যাচাই করার জন্য একটি বলিষ্ঠ আউটরিচ প্রয়াস গ্রহণ করেছে।

পাশাপাশি, আরো চাকরিদাতাদেরকে তাদের ব্যবসায়িক প্রয়োজন গ্রন্থিবদ্ধ করার জন্য এবং তাদের কর্মীবাহিনীতে কাজের অনুমোদনসহ আশ্রয়সন্ধানী ও অভিবাসীদের স্বাগত জানাতে সাহায্য করার জন্য গভর্নর একটি জনসচেতনতামূলক ক্যাম্পেইনের শুরুর ঘোষণা করেছেন। NYSDOL সোশ্যাল মিডিয়া এবং ডিজিটাল চ্যানেলের মাধ্যমে চাকরিদাতাদের প্রতি তাদের আউটরিচ সম্প্রসারিত করবে এবং একটি ডিজিটাল ফ্লায়ার প্রচার শুরু করবে, যা বিভাগের ইনটেক ফর্মের ব্যাপারে চাকরিদাতাদের নির্দেশনা প্রদান করবে।

নিউ ইয়র্কের অভিবাসী সঙ্কটের সাড়াদান

গভর্নর হোকল সঙ্কট থেকে বের হয়ে আসার পন্থা হিসেবে কাজের অনুমোদনকে সনাক্ত করেছেন, যা অভিবাসী ও আশ্রয়সন্ধানীদের করদাতা অর্থাযিত আশ্রয়কেন্দ্র ত্যাগ করতে এবং স্বাধীনভাবে জীবনযাপন শুরু করতে দিবে, যেমনটি বহু প্রজন্ম ধরে অভিবাসীরা করে আসছে। গভর্নর হোকল এবং রাজনৈতিক, নাগরিক এবং ব্যবসায়িক নেতৃবৃন্দের বৃহৎ একটি কোয়ালিশনের বহু মাসের অ্যাডভোকেসির পর, হোয়াইট হাউজ 31 জুলাই, 2023 তারিখে বা এর পূর্বে ভেনিজুয়েলা থেকে মার্কিন যুক্তরাষ্ট্রে আগত ব্যক্তিদের অস্থায়ী সুরক্ষিত দশা প্রদান করার পরিকল্পনা [ঘোষণা করেছে](#); নিউ ইয়র্ক সিটির হিসাব অনুযায়ী এর ফলে 30 দিনের মধ্যে 15,000 এর বেশি ভেনিজুয়েলিয়ান ব্যক্তি বৈধ কাজের অনুমোদন লাভ করতে পারবে।

পাশাপাশি, অভিবাসী ও আশ্রয় সন্ধানীদের বৈধ কাজের অনুমোদন পেতে প্রয়োজনীয় কাগজপত্র ঠিক করার ব্যাপারে সাহায্য করার জন্য গভর্নর হোকল কেস ব্যবস্থাপনার কর্মী ও সংস্থান বৃদ্ধি করেছেন। এর মধ্যে রয়েছে পূর্ণকালীন কেস ব্যবস্থাপনার জন্য 250 জন ন্যাশনাল গার্ড (National Guard) কর্মীকে [মোতায়েন করা](#), যা হলো এই চলমান পরিস্থিতি মোকাবেলা করার জন্য 2,100 এর বেশি ন্যাশনাল গার্ড মোতায়েন করার একটি অংশ। এছাড়াও গভর্নর কেস ব্যবস্থাপনার সমর্থন করার জন্য উল্লেখজনক আর্থিক সংস্থান প্রদান করেছেন, যার মধ্যে

আছে আশ্রয়সন্ধানী ও অভিবাসীদের সেবাদান করা স্থানীয় অলাভজনক সংগঠনসমূহের জন্য বরাদ্দ 20 মিলিয়ন মার্কিন ডলার; NYC হেলথ + হাসপাতালের (NYC Health + Hospital) মাধ্যমে নিউ ইয়র্ক সিটির [কেসওয়ার্ক বৃদ্ধিতে](#) সাহায্য করতে বরাদ্দ করা 20 মিলিয়ন মার্কিন ডলার; অভিবাসীদের [আইনি সেবার](#) জন্য 10 মিলিয়ন মার্কিন ডলার।

গভর্নর হোকল এই সঙ্কটের জন্য একটি বলিষ্ঠ স্টেট সাড়াদানের নেতৃত্ব দিয়েছেন। সামগ্রিকভাবে, আশ্রয়সন্ধানী ও অভিবাসীদের সমর্থন করার জন্য স্টেট 1.7 বিলিয়ন মার্কিন ডলারের প্রতিশ্রুতি প্রদান করেছে, যার মধ্যে রয়েছে আশ্রয়কেন্দ্র, পরিবহন এবং সামাজিক সেবা; সম্প্রতি এই উদ্দেশ্যে স্টেট সিটিকে 250 মিলিয়ন মার্কিন ডলার প্রদান করেছে। এছাড়াও আশ্রয়কেন্দ্র হিসেবে ব্যবহারের জন্য স্টেট একাধিক স্টেট মালিকানাধীন সাইট প্রদান করেছে, যেমন ম্যানহাটনের পূর্বের লিঙ্কন কারেকশনাল ফ্যাসিলিটি (Lincoln Correctional Facility) এবং জন এফ কেনেডি বিমানবন্দরের (John F. Kennedy International Airport, JFK) ভবন 197; এছাড়াও স্টেট ক্রিডমোর সাইকিয়াট্রিক ফ্যাসিলিটিতে (Creedmoor Psychiatric Facility) এবং র্যান্ডাল আইল্যান্ডে একাধিক মানবতা সংক্রান্ত জরুরি সাড়াদান এবং ত্রাণ কেন্দ্রসমূহের (Humanitarian Emergency Response and Relief Centers, HERRCs) ব্যয়ভার বহন করেছে।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)